

Guangjisi Minzcu Bau

ganhhau: CN45-0036 B.2018 Nd.4 Ng.4 liggaeu fouhswt nienz ndwengeih cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3318期

Guengjsae Caijdiu Vwnzva Yiengq Seiqgyaiq Yienh'ok Yienghndei

广西彩调文化向世界展现精彩

Mboengqneix, heiq gofoux caijdiu 《Louz Samcej》 Aen Heiqyienh Guengjsae youq Sinhgyahboh Swngdauzsah Mingzswng Seiqgyaiq TM Heiqciengz yienjok ndeiyawj. Hawj baenz fanh bauxyawj dangdieg yawjngonz gij funghcaij Louz Samcej daihmoq.

Heiq gofoux caijdiu 《Louz Samcej》 youq bi 1958 cauhbaenz, dwg gij ginghdenj yisuz daizheiq Cungguk. Bouh heiq neix 5 baez haeuj Cunghnanzhaij, 4 baez haeuj Vaizyinzdangz gvaq, daengz seizneix gaenq youq ndaw guk rog guk yienjok 2000 lai ciengz, dwg gij

ginghdenj yisuz daizheiq Cungguk. Geijcib bi daeuj, heiq caijdiu 《Louz Samcej》 hoengh daengz daengx guk gak dieg gvaq. Ginggvaq Guengjsae baenz daih baenz daih “Louz Samcej” yienjok, gaenq baenz mbaw vwnzva mingzben Guengjsae.

Bouh heiq neix aeu caizliuh daj gij gojgaeq cienznaeuz Louz Samcej canghfwen Bouxcuengh, yungh gij gyaepgouz doiq swyouz caeuq vuenyungz saedcej haenx guh cawjdaez, lwnhgangj le gij gojgaeq Louz Samcej vih henhoh gij swyouz caeuq viyiemz ciuhvunz, yungh fwen cengqgengz dingjhoenx, dajcauh le gij

yienghsiengq Louz Samcej gaenx guh simsienh、coengmingz gyaendei、cingqheiq gamjgangj、eu ak foux ak.

Baez neix, cujyau ndangfaenh ndaw heiq Louz Samcej youz gukgya it gaep bouxyienj、boux vunz miz gij cwnghueh “daih daihhaj Louz Samcej” Cungguk Vangz Yijgyah yienjok, de youq ndaw heiq yienjok ndeiyawj ndaej daengz bouxyawj dopfwngz huhu. Buhvaq minzcuz Bouxcuengh ndeiyawj raixcaix, fwen rwenz rwz dangqmaz, vunz gyaeu, gingj gyaeu, fwen gyaeu, yienjok le daih ginghdenj he. (Lij Cunghvwnz)

SIUSIK DINJ

简讯

● Ndwen 3 ngoenz 24 dwg daih 23 aen “ngoenz seiqgyaiq fuengzyw binghezhwz”, ngoenz-haenx banhaet, Baksak Si Yougyangh Gih Veigigiz cujiz cizgung cungsime、yihyen dieg guenjieix caeuq segih veiswngh fuzvu cungsime youq swnhlinz gvangjczang haiguh aen senhconz hozdung cawjdaez dwg “haiguh gietsat gezhwz hengzdoengh, caez hwnj caeziengj cangqheiq Cungguk”.

(Vangz Lanzcunh)

● Vih buqgej gij nanzdaez bouxguhnaz laisou, hawj bouxguhnaz vaiqdi saedyienh vut gungz baenz miz, Denzlinz Yen Bwzloz Yangh laebdin saedsaeh caemh-caiq ciuqei gij senhein gingniemh dieg wng, gaenxmaenx damqra gya gvangq diuz roen mbanj-gungzhoj coi bouxguhnaz laisou, daiqdaez youq Mbanjbanjgan aen yangh neix laebbaenz 50 moux diegguhyienh ndaem makgam, haenqrengz dazyinx ranzungzhoj camgya.

(Vangz Gveiyangh)

● Bineix daeuj, Sihlinz Yen Giveij、Genhvej gaijbienq gax-gongq gij conzdungj senhconz fuengsik laeb daizcamcaz、fat mbawdan senhconz, yungh gij gofoux lenzcwng、banggungz siujbinj daengj vwnzyi cozbij dangdieg minzcuz vunznioix gag bien gag cauh haenx, youq daengx yienh 8 aen yanghcin haiguh banggungz lingjyiz caeuq cozfungh vwndiz cingceih cunzdauq yienjok, diuhdoengh gij gaenxmaenx-singq gyoengq vunzlai camgya banggungz lingjyiz nduknaeuh caeuq cozfungh vwndiz cienhangh cingceih hozdung.

(Banh Meijyangh)

● Geij bi neix daeuj, Lozcwngz Mulajcu Swciyen haenq-rengz hengzguh “hwngfat buek canjnieb vut gungz he” gungh-cwngz, doenggvaq cwngcwz dazyinx、dinfwngz sonyinx、ngaenz-cienz bangcoengh daengj banhfap, gvangqlangh dazyinx vunzlai doenggvaq gij vunqsik “gungh-swh + hozcozse + gihti + nungzhoh”, hwngfat nonsei、gaujien、youzcaz、byaek daengj cujdauj canjnieb, guhbaenz gij canjnieb hwngfat gwzgis “it mbanj lai yiengh、it mbanj it yiengh”, bang vunzlai gungzhoj vut gungz baenz miz.

(Se Sunhwngz)

Yungzsuij: Mbaet “Caz Cingmingz Gonq” Nyaengqnyi'nyi



融水:

赶采“明前茶”

Yaek daengz cingmingz, Yungzsuij Myauzcuz Swciyen mbwn ndit ndei, dienheiq dauq raeuj, nyez caz maj ndei. Gyoengq bouxndaemcaz gaemdawz aen seizgei ndei neix, foenfoen haeuj suen ganj mbaet “caz cingmingz gonq”, ganj moq bae gai, gyoengqvunz youq ndaw suen mbaet caz daj gyaeyawj bae baenz fuk veh ndeiyawj he. Ndaw doz dwg bouxndaemcaz cingq mbaet caz.

(Lungz Linzci/龙林智)

Dwzbauj Yen Doenggvaq “Heiqcuengh Baihn- namz” Senhconz Cwngcwz Yaugoj Yienhda

德保县通过“南路壮剧”宣传政策效果显著

Mboengqneix, Dwzbauj Yen youq minzcuz vwnzva gvangjczang laebdaeb banh “Heiqcuengh baihn-namz” senhconz cwngcwz vwnzyi yienjok hozdung, ndaej daengz gyoengq vunzlai angqcoux caeuq haenx.

Ciuq cam rox, riengzdwk hong vut gungz gunggeng haeujlaeg doicaenh, Dwzbauj Yenveij、Yen Cwngfuj cimdoiq vunzlai dangdieg

gyaezmaij “Heiqcuengh baihn-namz” vwnzyi yienjok daegdiemj, cujiz buek canghheiq ndawbiengz maenhndei he giethab gij saedsaeh hong vut gungz gunggeng seizneix, cauh baenzdauq senhconz vut gungz gunggeng leih beksingq cwngcwz、senhein denjhingz saehlaeh daengj cozbij Heiqcuengh maenhndei youq yienhsingz caeuq gak yanghcin guh cunzdauq yienjok.

Doenggvaq “Heiqcuengh baihn-namz” vwnzyi yienjok senhconz, hawj hong vut gungz gunggeng caeuq leih beksingq cwngcwz haeujlaeg simvunz, hawj vunzlai lai rox, caenh'itbough gikfat gyoengq ranzungzhoj gag buekguh doxhwnj、cawjdoengh vut gungz, guhbaenz gij heiqfaenh daengx beksingq roengzrengz buekguh buet siujgangh, senhconz yaugoj yienhda.

(Nungz Yungjifang)